

(1) Oversett denne kjente teksten til norsk eller engelsk:

*Text:* 揠苗(孟子)

敢問何謂浩然之氣。

曰難言也。其爲氣也，至大至剛。以直養而無害，則塞於天地之間。其爲氣也，配義與道。無是，餒也。是集義所生者，非義襲而取之也。行有不慊於心，則餒矣。我故曰告子未嘗知義，以其外之也。必有事焉而勿正，心勿忘，勿助長也。無若宋人然。

1. 宋人有閔其苗之不長而揠之者。
2. 芒芒然歸，謂其人曰，今日病矣。予助苗長矣。
3. 其子趨而往視之。苗則槁矣。
4. 天下之不助苗長者寡矣。
5. 以爲無益而舍之者，不耘苗者也。
6. 助之長者，揠苗者也。
7. 非徒無益，而又害之。

(2) Oversett så mye du rekker av denne ukjente teksten (fra boken *Mengzi*) til norsk eller engelsk (egennavn er understreket):

孟子梁惠王下 (Section 1)

莊暴見孟子曰：「暴見於王，王語暴以好樂。暴未有以對也。」曰：「好樂何如？」孟子曰：「王之好樂甚，則齊國其庶幾乎！」他日見於王曰：「王嘗語莊子以好樂，有諸？」王變乎色曰：「寡人非能好先王之樂也。直好世俗之樂耳。」曰：「王之好樂甚，則齊其庶幾乎！今之樂，由古之樂也。」曰：「可得聞與？」曰：「獨樂樂，與人樂樂，孰樂？」曰：「不若與人。」曰：「與少樂樂，與眾樂樂，孰樂？」曰：「不若與眾。」「臣請爲王言樂。今王鼓樂於此。百姓聞王鐘鼓之聲，管籥之音，舉疾首蹙額而相告曰：『吾王之好鼓樂，夫何使我至於此極也？父子不相見，兄弟妻子離散！』今王田獵於此。百姓聞王車馬之音，見羽旄之美，舉疾首蹙額而相告曰：『吾王之好田獵，夫何使我至於此極也？父子不相見，兄弟妻子離散！』此無他，不與民同樂也。今王鼓樂於此。百姓聞王鐘鼓之聲，管籥之音，舉欣欣然有喜色而相告曰：『吾王庶幾無疾病與？何以能鼓樂也？』今王田獵於此。百姓聞王車馬之音，見羽旄之美，舉欣欣然有喜色而相告曰：『吾王庶幾無疾病與？何以能田獵也？』此無他，與民同樂也。今王與百姓同樂，則王矣！」

庶幾 ; "almost" > "be near one's goal; be at the point of success"